












КОЛ

МОСК

МАКСИМ ГОРЬКИЙ

Цыг.
1-21

191

76

КОЛИ ВРАГО НА ЗДЭЛАПЭ
ЛЭС ХАСЬКИРНА

Г.П.Б-на об'яв. энэ.
Лнгр 1931 год
Акт № 4402

Же

ЦЕНТРИЗДАТО

МОСКВА

1931

ЗВ

Главлит № А 86266 Заказ 508 Тираж 1000

Книжная ф-ка Центриздата Народов СССР. Моск
Шлюзовая набережная, 10.

КО БУТЯРЬЯ.

Дрэ Москва упратуно (верховно) сэндо бутярён и гавитконэ гаджен Союзос соцыалистическонэ советэн сэндындя манушэн, савэ кэрдэ контрреволюцыонно зракирибэ тэ хаськирэс советско власть.

Пролетарии, сарэ стронэндур и тумэ, французка и англійска бутярья, бангэ тэ полэн адава фрэнто зракирибэн, ваш одова, со и тумэнгэ приджялапэ тэ лыджян адасаво жэ рэндо, адасавэнца жэ манушэнца, савэн акана сэндындлэ дрэ Москва. Адалэ мануша, специалисты пиро техника, сыклякирдэ, капиталистэнгирэ харты, протрадымэ Россия-тыр, кокорэ пригалынэпэ дрэ бут преступления. Адалэ древан сыклякирдэ мануша пирдал пэскиро учё сыклякирибэн вгынэ дрэ патив советсконэ властакэ, кэрдэ саро на мишто вашо соцыалистическо кэрибэн и

вашо соцыалистическо обшщество, сарэ пх-
гирнас амэндэ и лыджинэ амаро государство
прэ хась. Ёнэ на дэнас тэ барьён амарэ
промышленностякэ дро Союзо советэн.. Хась-
кирнас саро, со могискирдэ тэ хаськирэн,
бут промэкэнас явья ловэ и бутяренгири зор.
Сарэ зорьятыр домарэнаспэ тэ надэн тэ
барьёл амарэ хулаибнаскэ, ёнэ фрэнтэс соз-
дэнас дро советско страна бокх. Саро адава
ёнэ кэрнас ваш адава, собы тэ кэрэс саро
на мишто дрэ буты советсконэ властя, собы
тэ создэс дро Союзо машкир бутярендэ и
гавитконэ гаджендэ кошэибэн и холы; саро
адава ёнэ кэрдэ зракирибнаса и тэло васт
одолэн капиталистэн, савэ упростандынэ Рос-
сиятыр, и латхнэ пэскэ штэто дрэ Европа—
бутыр сарэстыр дро Парижо. Ёнэ камнэ тэ
рискирэн палэ пэскири пхураны власть прэ
бутярендэ и гавитконэ гаджендэ Союзос
Советэн.

Нэ треби тэ прилэс дрэ годы, со Российска
фабриканты и о-банкиры на камэна тэ явэн
палэ дро Россия пэскирэнца кулакэнца и
кисыкэнца.

Рэндо сарэн капиталистэн екх сы дро саро свѣто, рэндо адава—биладжиибикко эксплоатация бутярен (буты явья). Акэ пирдал адава треби тэ галѣс, со Российка капиталисты латхнэ машкир французсконэ и английсконэ капиталистэндэ пхэрдо сочувствиѣ пэскирэнгэ мэлалэ рэндэнгэ. Пуанкарэ — марибэ (война) Бриано, Черчилѣ, Болдуино и инке ваврэ хоханэ мануша, савэ исы прэ буты капиталостэ радаса гынэ гэрой дро гэрой дрэ мэлало рэндо Российсконэ хишшникэнца. Кхэтанэ одолэ манушэнца, савэн дро Москва сэндынэла упратуно сэндо бутитконэн манушэн. Пуанкарэ ваврэнца исыс создымо плано вашэ интервенция, ваврэ лавэнца, плано сыр тэ заухтылэс амари стропа. Адава плано ёнэ камнэ тэ пролыджян дро 1930-31 б. Камнэ хохаибнаса тэ создэн адасаво рэндо, собы советско власть тэ джял марибнаса прэ бутярендэ и гавитконэ гаджендэ дрэ Польша и э — Румыния, а бутяренгэ и гавитконэ гадженгэ Франциятыр и Англиятыр тэ джян будто прэ помошшь Польшакэ и Румыниякэ, савэ гара сы дрэ васта хишшникэндэ капиталистэндэ.

Марибэн (война) ваш капиталистэнгэ сы кофытко рэндо, ёнэ тимисякирна карэдыненца и барэ кофы лэна прэ бутяренгиро рат. Лэн на урикирла одова, со лыджяна пэса марибэн и ёнэ шукар джинэн, со марибэн авэла зоралыдыр одолэ марибнастыр, саво исыс дро 1914-1918 б.

Капиталисты на потангинэна тэ хаськирэн иньке дуй — трин дэша миллионы бутярен и гавитконэ гаджен. Рэндо сарэн капиталистэн дрэ саро свэто исы екх.

Рэндо бутярен и гавитконэ гаджен адыкэ-жэ исы екх дрэ саро свэто: бутярья и гавитка гадже бангэ тэ выджян гнётостыр, саво дыкхэна капиталистэндыр; бангэ тэ кэрэн пэскиро джиибэн тэ освободинэспэ капиталостыр и чёrorибнастыр.

Бутярья! Тумэнгэ гара треби тэ полэн, со холы и бибахтало джиибэн создэла нисо вавир, сыр скэмпима кой-савэн манушэн, савэ нашадэ годы скэмпимастыр барэ ловэндыр и явья, бигодякиро чюрдэнапэ джиибнаса бутитконэ манушэн, савэн исы бутыр лэндыр, хаськирна лэнгири зор, хаськирна со

исы гожо прэ пхув, со саро исы кэрдо тумарэ вастэнца, со исы саро тумаро. Зри-пирэнте, со пало штар бэрш марибэн ангил тагаристэ тасадо исыс дро морё миллиарды тонн састыр, саво тумэ дорэсэнас и обкэрнас про заводы пэскирэнца вастэнца, схачькирдэ миллионы тонн вангар саво дорэсэнас тумэ, хаськирдо исыс кицы насгинэса цыпа, тхан и иньке бут вавир, со дорэсэнас и обкэрнас тумарэ бутитка васта.

Хаськирэлапэ, саро, со исы тумаро и тумарэ чявэнгиро, нэ хаськирлапэ саро адава, кэрна тумэн нишшёнэнца, хаськирэна миллионы тумарэ дадэн и пшалэн пиро рат и пиро классо ваш адава, собы кокорэнгэ ада-лэстыр тэ тхулён и тэ тховэн пэскэ дро кисыка бут сувнакай,

Шэл тысенцы бутярен кэрна корабли, пароходы, савэ авэна потасадэ дро паны, кэрэнапэ карадыня, бомбы, пушки и снаряды и саро адава кэрлапэ ваш одова, собы тэ умарэн тумэн.

Тумэ адыкэ жэ лэна тэ умарэн бутярен и крестьянэн, савэ ни дрэ со нанэ бангэ ангил

тумэндэ сыр и тумэ на кэрдэ лэнгэ ни саво худыма. И адава, со тумэ марна екх екхэс, на рикири холы екх ко екх кэрла адава марибэн дылынэса и древан налачеса, саво ни конэскэ на требимо. Коли тумэ кэрэна буты ваш марибэн (война), коли тумэ вооружаете капиталистэн, то адалэса тумэ готовинэна пэскэ хась. Тумэн камэн тэ бичявэн прэ бутярендэ и гавитконэ гаджендэ советсконэ Союзос, савэ сыкавэна тумэнгэ, сыр шукар могискирна тэ дживэн бутитка мануша и тэ кэрэн буты би хулангиро.

Буржуазна газеты кажно дывэс хохавэна про советско союзо, выдуминэна саво бы то тэ на явэл дылныпэ и страх— ёнэ кэрна адава ваш одова, собы тумэ тэ на патян лаче джиибнаскэ бутярен дрэ советско союзо, собы тумэндэ тэ явэл холы кэ ёнэ.

Буржуазия кокори шукар джинэл, сави бари буты пролыджяна бутярья дро советско союзо ваш соцыалистическо строительство на дыкхи прэ адава со буржуазия тховэла сари зор собы тэ розмарэс амаро хулаибэн и амаро барьипэ кэ лачипэ. Буржуазия джи-

нэл и полэла и лакэ сы трашано амарэ бари-
пнастыр кэ лачипэ. Бутярэ советсконэ со-
юзос дэла страхо капитализмоскэ дрэ
саро свэто.

Нэ буржуазна мануша, савэ чинэна дро
газеты, сы подкиндлэ и ёнэ на могискирна
тэ ракирэн чячипэн, а коли ёнэ закамэнас
бы тэ пхэнэн адава чячипэн — лэнгирэ хулая
вычюрдэнас бы лэн прэ гаса, адякэ жэ сыр
фабриканты вычюрдэна тумэн, коли камэн тэ
зрикирэн тумари холы.

Капиталисты джинэн, со коли бутярэ
советсконэ союзос домарнапэ пэскири цэль,—
а цэль адая ужэ поджяла,— тумэ адякэ жэ
кэрэна сыр и бутитка мануша советсконэ
республикэн. Тумэн подракирна хохайбнаса
тэ дживэн дрэ холы советсконэ властяса
скэмпимастыр, пирдал одова, со советско
строна исы баро тарго вашо киньбэн и би-
кныбэн и пхув стронакири древан барвалы:
тумэнгэ пиридэна холы кэ ёй страхатыр, пир-
дал одова, со бутярэ и гавитка гадже
Союзос сыго и на кхины кэрна могила вашо
капитализмо.

Капиталисты камэн, собы тумэ гынэ тэ мэрэн ваш лэнгири власть и ваш лэнгири барвалыпэн.

Дро Союзо советэн тыкиэчявэ пионеры ужэ джинэн, со саво на яви марибэн, кроме марибнастыр бутярен пэскирэ хуланца, — исы бигодякиро рэндо бутярен разнэ стронэ-ндыр. Ваврэ лавэнца: нашты тэ пхэнэс ваш адава, коли мануша джяна дрэ марибэн на рикири холы екх прэ екхэстэ. Мануша Союзос советэн на камэна марибэн, нэ тумэ бангэ тэ джинэн, со ёнэ на дарна марибна-стыр и ёнэ исы готова ко марибэн.

Тумэ джинэн, со дэшу дуй бэрш одолэскэ палэ бутярья и гавитка гадже Союзос советэн отпхэндлэпэ тэ марэнпэ тумэнца и бокхалэ, розчидэ коли треби сыс розмардэ армии офицэрэн, савэ гынэ тэло лыджибнытко васт сыклякирдэ генералэн, — розмардэ на дыкхи прэ лачё лэнгири вооружений Францыятыр и Англиятыр,

Акана Союзо советэн рикирла шукар вооруженно армия, кажно хэладо дрэ адая армия шукар джинэл, со ёв лэла тэ марэлпэ

пал пэскири свобода, палэ строакири свобода, кай ёв исы кокоро хулай и кай нанэ хулай, кроме бутярен и гавитконэ гаджен. Тумэ лэна тэ марэнпэ пало интересы капиталистэн, савэ тимисякирна тумарэ ратэса.

Капиталисты бикнэна екх екхэскэ строа-тыр дрэ строа карэдыня, пулемёты, савэ сы кэрдэ тумарэ вастэнца и могискирла тэ явэл, со тумэн кокорэн лэна тэ умарэн адалэ пулемётэндыр, карэдынендыр, савэ исы кэрдэ тумарэ вастэнца, бикиндлэ сы тумарэ хуланца, хай, тумарэ, „врагэнгэ“. Полынэ ли тумэ адасаво бигодякиро рэндо? Полэна ли тумэ, со нашты адыкэ дылынэс тэ дыкхэс прэ адава ратуно кхэлыбэн бутяритконэ манушэнца?

Адава кхэлыбэн кэрна тумарэ хулая — набари банда розмарибнаскирэн; савэ сы при сыклымэ тэ дживэн пал тумари пхари буты.

Ёнэ вооружиндлэпэ вашо марибэн иньке зоралыдыр, сыр исыс марибэн 1914-1918 б., ёнэ иньке камэн бутыдыр тэ кэрэн би гэрэн-гирэнца и би вастэнгино и тэ хаськирэн миллионы манушэн. Камэна — ли тумэ адава?

Тумэндэ исы зор тэ надомэкэс марибэн. Тумэ и сарэ мануша савэ иньке полэна бигодякиро и преступно сарэ европейско марибэн, могискирна тэ пэкавэн пиро васта авантюристэн. Тумэндэ ваш адава исы сари зор. Тумэ, бутяря Францыатыр и Англиятыр, бангэ-бы затховэн пэскиро правительство, собы ёнэ вытрадынэ криг российсконэ эмигрантэн и капиталистэн, савэ камнэ-бы тэ бикнэн бутярен и гавитконэ гаджен Союзос Советэн тумарэ капиталистэнгэ.

Адава треби тэ кэрэс на тольки одолэстыр, со тумэнгэ треби тэ зашшитинэс пролетариатос сыр пэскирэс пшалэс, нэ и одолэстыр, собы тэ зашшитинэс кокорэ пэс чюжонэ тумэнгэ манушэндыр, савэ подкинэна тумарэ хулан и министрэн обешшяниёса тэ роскэрэн потом, со дорэсэна. Ёнэ создэна нэви бойня, сави хаськирла на екх миллионо бутитконэ манушэн.

Дро собы то тэ наявэл тумэ бангэ тэ надомэкэн нэво марибэн.

Тэ уштэн ваш адава, собы тэ на домэкэс нэво марибэн бангэ джювля — дая, ромня и

пхэня, ёнэ бангэ тэ ракирэн, бангэ адава тэ кэрэн и одолэ интеллигенты — „гуманисты“, савэ нагара дынэ годлы палo наказания одолэн, наджины, саво на лачё хохано и баро бангипэ сы пал лэндэ.

КОЛИ ВРАГО НА СДЭЛАПЭ — ЛЭС ХАСЬКИРНА.

Создымэ сыкляибнаса Марксоса и Лени-
нонэса зор англатунэн отрядэн бутярьен и
гавитконэ гаджен лыджяна пал пэстэ сарэн
бутитконэн манушэн Союзос Советэн кэ
цэль, сави рикирла дрэ пэстэ трин проста
лава: тэ создэс нэво миро.

Дро Союзо Советэн тыкнэ-пионеры по-
лэна, со ваш одова, собы тэ создэс нэво
миро, нэво джиибэн, треби: тэ на дэс бут
барвалыпэн дро васта набутка манушэн, савэн
сы набари кучка, савэ кай на подыхкы выта-
савэнапэ и ратэстыр и кхамлыпнастыр бутя-
рен и гавитконэ гаджен; треби тэ розравэс
делений манушэн про классы, тэ хаськирэс
сави-бы то тэ наявэл эксплоатацыя бутитконэн
манушэн; тэ роскэрэс ядовито хохайбэн ваш

дэвлэскэ (религиозно) и национальна хохайбэна, савэ розлыджяна и холякирна манушэн машкир пэстэ, кэрна лэн чюжонэнца екх екхэскэ; тэ вычюрдэс джиибнастыр бутитконэ манушэн саро пхураныпэ и хартытко джиибэн (рабство).

Треби тэ хаськирэс саро, со кэрла пхарэса тэ барьёл бутитконэ камаибнаскэ; треби тэ хаськирэс одова, со дэла капиталистэнгэ тэ кэрэл марибэн, карик ёнэ бичявэна миллионы бутярен тэ умарэс екх екхэс. Цэль капиталистэн исы екх: зоралыдыр тэ кэрэс капиталистэнгиро право про грабежо, тэ зоралякирэс пэскиро кофо и пэскири власть прэ бутитконэ манушэндэ. Саро адава ракирла пало адава, собы тэ создэс ваш сарэ манушэнгэ и ваш кажнонэскэ тэ роскхувэс зоралыдыр пэскири зор и фрэнтыма; собы тэ домарэспэ кэ адава джиибнытко учипэн, треби явья тэ захаськирэс бут зор, жыко адава домарэнапэ тольки набут манушэн, савэ кхарнапэ „барэ мануша“,

Со адава сы парамыся? На, адава сы чячипэн. Вороги бутярен и крестьянэн парамысяса

кхарна амари буты, савьяса амэ кэраса нэво
миро. Мангэ чиндя екх „Российско джювлы“
и дрэ пэскиро лыл ёй ракирла, со сыклякир-
дэ мануша, савэн сы на гараз бут, думинэна,
со годы дэлапэ на сарэнгэ, со нашты тэ
родэс годы дро массы манушэн; э культура
кэрна одолэ мануша, савэн сы дрэван и дрэ-
ван набут, — адава мануша уче годяса. Дрэ
адалэ лава „Российко джювлы“ на гожэс, нэ
чячес выпхэндя саро сыр думинэла буржуа-
зия, ёй сыкадя и сари нишшёта буржуазнонэ
идеология, ёй сыкадя, со буржуазно годы
могискирла тэ тховэл ангил духовно барьипэ
пролетарсконэ массэн.

Одова, со пролетариато дрэ саро миро
барьёла культурно — исы чячипэн:

Бутяритко классо Союзос советэн джяла
ангил сарэ свэтытконэ пролетариатос и
шукар досыкавэла и ракирла пэскирэ рэн-
дэнца ваш адава чячипэн. Ёв тходя ангил
пэстэ баро задэибэн и лэскири кхэтаниякирды
зор шукар пролыджяла ла.

Пхарипэн дрэ адая буты исы бут, нэ коли
камэса, то могискирэса тэ кэрэс. Пало дэшу-

трин бэрш пэскирья диктатура бутяритко
классо розчидо, нанго бокхало, вычюрдыя
пэскрэ стронатыр вооружынонэн капиталис-
тэнца Европатыр парнэ армии, савэ исыс бар-
валэ скэдымэ европийсконэ капиталистэнца,
адякэ жэ вычюрдынэ и хэладэн-интер-
вентэн.

Дэшутрин бэрш кэрна буты про стро-
ительство пэскирэс госуларствос помошшыса
чячипнытконэн спецыалистэн, савэ отдэна
лжиибэн ваш адава баро рэндо на палэ тра-
шаибэ, а палэ патив. Нэ машкир спецыали-
стэндэ исы и на лаче мануша (кхарнапэ ёнэ
вредители) савэ пэскирэ мэлалэ рэндоса кэ-
рэна ладжяипэн ваш сарэ спецыалистэнгэ,
(кэрэна) ладжяипэ и про сыкляибэн (наука).

Исы мануша, савэ удыкхи налаци буты дро
строителство, розмэкэна на мишто ракирибэн
прэ рада и холы сарэсвэтоскирьякэ буржу-
азиякэ сави сыр сап дыкхэла прэ советско
Союзо.

Треби тэ лхэнэс, со дрэ адасаво пхаро
рэндо, бутярья советсконэ Союзос роскхудэ
зоралэс бари революционно буты. Бари зора-

лы отвага бутярей и партия, сави пролыджяла рэндо ваш кофо бутярэн.

Тольки муршыпнаса бутярэн и партия, сави ракирла годяса бутярэн, годяса революцыйно масса, тольки адалэса можно тэ кэрэс, дажэ тогда, коли стронаса потховэна дэстэ дрэ амарэ роты. Пиро плано про 1929-30 бэрш бутярья бангэ исыс тэ газдэн промышленность про 22⁰/₀, а кэрдэ про 25⁰/₀; колхозы бангэ исыс тэ дэн 20 млн. га, а дынэ 36. Кхэтанэ адалэса, со бутитко классо тховэла зор пэскири прэ строительство барэ заводэн и прэ перекэраибэн гавэс прэ коллективно хулаибэн, бутитко классо и гавитка гадже дэна пэстыр по шэл выдвигэнцэн, марибнаскирэн дрэ буты (ударникэн), рабкорэн, писателен, изобретателен и иньке ваврэ лаче бутярэн.

Машкир амэндэ фрэнта враги амарэ создэна хабнытко бокх, кулаки умарна вэнглэндыр гаджен — колхозникэн, подхачкирна лэнгирэ штубы и иньке бут кэрэна саро одова, прэ со тольки могискирла тэ джял кулако. Ада-саво джиибэн затховэла амэн тэ дживас и тэ

явас готовонэса ко марибэ. Адалэстыр кэрэ-
лапэ выводу: коли враго на сдэлапэ — лэс
хаськирна.

Прэ бари буты, сави пролыджялапэ акана
дро советско союзо, — рикирла холы евро-
пейско капитало. Капиталисто отджиндя пэс-
кирэ бэрша и джяна бэрша лэскирэ прэ
погибель, нэ усатаки ёв камэл, зорьякирлапэ
тэ наслэлпэ, нэ адалэстыр ници на выджяла.

Капитало спхандло сы вредителенца, савэ
кэрна пэскиро мэлало рэндо машкир со-
ветско Союзо и ёнэ (вредители) помогискир-
на адалэса капиталоскэ.

Пуанкарэ сыс само баро и главно одолэн-
дыр, кон организовал баро марибэн (война)
дро 1914 — 1918 б. б. пал адава лэс про-
кхардэ „Пункарэ марибэн“ (война), мануш,
саво чють на хаськирдя кхэлыбэ капитали-
стэн Франция, иньке бывшо соцыалисто
Бриан, баро матымари лордо Беркенхэд и
иньке бут харты капиталистическа, савэ ка-
мэна тэ лэн розмарибнаса Советско Союзо.

Амэ дживаса дрэ пора, коли джяна марибэна
сарэ свэтытконэ буржуазияса. Адава затховэла

бутяритко классо тэ явэл готовэнэса ко оборо-
на, кэ зашшита одолэс, со бутяри отмардя
капиталистэндыр дро дэшутрин бэрш.

Бутяритко классо и гавитка гадже бангэ
тэ вооружинэнпэ, и тэ рипирэн, со ужэ екх
моло зоралы лолы армия победоноснэс вы-
рикирдя натиско сарэ свэтытконэс капита-
лос. Дрэ адава моло лолы армия кокори сыс
на древан вооруженно, бокхалы, розчиды, и
савья лыджинэ дрэ марибэн пэскирэ това-
ришши, савэ на древан джиндлэ хэладытко
фрэнтыма дро марибэн.

Акана амэндэ исы лолы армия, армия бой-
цэн, кажно лэндыр шукар джинэла палсо ёв
лэла тэ марэлпэ. И коли страхатыр пало
будушшэ сджяна годятыр Европейска капита-
листы усатаки закамэна тэ бичявэн прэ
амэндэ пэскирэн бутярен и гавитконэ гаджен,
треби лэн тэ прилэс дро марибэн лавэса и
рэндоса пиро дылынэ лэнгирэ капиталисти-
ческа шэрэ, собы адава марибэн лавэса тэ
кэрэлпэ барэ марибнаса и последнёнэса, саво
счюрдэла лэс дрэ могила. История кэрдя
лэскэ могила дрэ требимо времё.

31195

Тимин 3 гаспря
Цена коп.

о. п. 10

1-21



На цыганском языке

МАКСИМ ГОРЬКИЙ
Если враг не сдаётся — его
уничтожают

Перевод М. БЕЗЛЮДСКОГО

ЦЕНТРАЛЬНОЕ ИЗДАТЕЛЬСТВО НАРОДОВ СССР.

Москва, центр, Никольская, 10.


-21

ий
— его

ого

в СССР





	Цыг.
1-21	